



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.D.XXVI. Sancti Patris Benedicti. M.XLVI.

urn:nbn:de:hbz:466:1-38498

atque adeo Ordini, atque Orbi univ-
 verso multis modis profuit. Sed ante
 omnes Paulus ipse Justinianus, Vir.
 sanctissimus enituit, de cujus laudibus,
 ista Historia Romaldina. Hic doctrina
 plenus, verbo potens, calamo fa-
 cundus atque luculentus. Nec vacua
 fuit in eo Gratia DEI; cum multos à
 via peccati converterit; quos secum
 ad Religionem traxit: plures vel ali-
 bi, vel domi, piè vivere edocuit; in-
 numeros à blanditijs sæculi, ad duri-
 simam pœnitentiam vivo sermone,
 operibus exhibitis transire compulit,
 Ejus, inter relicta ingenij monumenta,
 laudantur *Constitutiones Eremiticæ*; de
 vera item *hominis felicitate*: De officio Pon-
 tificis ad *Leonem X.* [unde colligas quam
 proprium nostris fuerit, absque adu-
 latione, Ecclesiæ universæ in capite
 mederi] *Tractatus de obedientia*: de *De-
 cem gradibus Amoris DEI*. De *Pœnitentia*.
De Eucharistia. De *Contemplatione*.
*Opuscula alia cepta, nec vero consumma-
 ta* quæ centenarium numerum, teste
 Beato Justiniano Bergomeni super-
 ant. *Videatur Lucas Eremita in Rom.
 Mon.*

Mortuo superiore anno Joanne
 Abbate Crēmiphansenfi viro Religio-
 sissimo & doctissimo, qui fuerat Ma-
 ximilianol. Imperatori Augusto à Con-
 fessionibus & conscientia secretorum
 solertissimus & Religiosissimus arbi-
 ter, succedit Leonardus, exemplar.
 virtutum omnium continuante apud
 Austriae utriusque Monasteria, fervore
 laudatissimo Mellicensis Congrega-
 tionis, Ascetisique Monasteriorum, non
 tantum Disciplina solidè Monachica
 florentibus, sed & litterarum insigni
 frequentia, ita ut in illis partibus
 Religio Catholica insignes aleret pro-
 pugnatore.

In Gallijs mirum in modum pro-
 ficat laudatissimum Reformationis stu-
 dium, & noviter Reformati plurima
 quamprimum Canobia junguntur, se-
 que mutuo excitant, & tanquam ani-
 malia illa Evangelica exsuscitant; jux-
 ta illud Ambrosij: *Flammescat igne cha-
 ritas accendat ardor proximos*, ipsis quo-
 que secularibus igne illo exempli Be-
 nedictini, ad meliorem frugem revo-
 catis. *Ex R. P. Amandi Tribout. com-
 municatis.*

Evocatur ad æternitatis pro mag-

nis laboribus præmia Ven. Pater Pe-
 trus Delphinus quondam Generalis sa-
 cræ ad amulim Regulæ familiæ no-
 stræ Camaldulensis, exemplar absolu-
 tissimum omnimodæ perfectionis, de
 Ordine universo meritisissimus, anno
 ætatis 81. professionis sexagesimo ter-
 tio, 17. Cal. Februarij felicissimè ex-
 tinctus, postquam 85. Ecclesiæ sum-
 ma devotione & præparatione muni-
 tus Sacramentis, mira animi demis-
 sione Fratres si quem unquam offendi-
 dit, esset deprecatus. Tandem ge-
 stiens & gratulabundus, ea Prophætæ
 repetens: *Defectio tenuit me*. &c. & rur-
 sus: *In manus tuas commendo Spiritum
 meum*. Creditus à puero, illiberrissimus
 Virginis cultos ad extremum us-
 que anhelitum extitisse, cui sanctæ
 orationem recitavit Reverendissimus
 Eusebius Priolus Carcerum Abbas vir
 præstantissimus & optimè meritis. *Ex
 monim. Camald.*

Ipso anno, ut quanti Numen ip-
 sum faceret rigorem sacra Familia
 nostræ Olivetana facile advertas, Ve-
 nerabilis Francisca Leophanta, Virgo
 Panhormitana Ord. S. Francisci, cœ-
 lesti afflata lumine, Olivetanam exoptat
 ambitque disciplinam; & à Cognatis
 condendo Canobio aream impetrat,
 cum templo GRATIARUM, Vir-
 gini DEI paræ consecrato, nec non cum
 hortis domiciliisque nonnullis, ubi
 Virginibus Benedictinis Olivetanis
 Monasterium exstruxit, & cum qua-
 tuor alijs impetrata licentia priore de-
 posito habitu, Olivetanum assumpsit,
 Abbatissa loci perpetua cooptata, ubi
 exemplo vitæ perfectioris eximio ca-
 teris præluens, inter singularia Or-
 dinis ornamenta computari meruit.
Ex Lancellatto.

IESU CHRISTI ANNUS. M. D. XLVI.
 Sancti Patris Benedicti. M. XLVI.

Commune hoc ipso tempore &
 Anno Mediolanensium omnium
 refugium in oram infirmitate & tri-
 bulatione in Monasterio Benedictini
 Ordinis Virginum S. Margaritæ Vir-
 ginis & Martyris honori & nomini fa-
 ero, ad perfectissimam omnibus san-
 ctitatis Dei sponfam Venerabilem Ma-
 riam Catharinam Brugoram, quam
 DEUS Optimus Maximus tantis donis
 cumulavit, ut omnibus quibuscumque

ad

Petrus
 Delphinus
 Generalis.

Felix obi-
 tus.

B. Catha-
 rine Bru-
 gora mira
 cula.

ad se occurrentibus, in omni necessitate possit subvenire, imo omnes necessitates in spiritu prævidere, & cum charitate non minus proximi quam DEI tota quasi deflagaret, ultronea, prorsus erat se ipsam pro omnibus impendere & superimpendere. Mirabile prorsus, cum hoc ipso tempore, nobilis quædam Matrona procul absentem maritum suum ferventissimè commendaret, & ipsa miserta sollicita lachrymas, benè sperare de ejus reditu monuisset, & certam esse de precum suarum suffragio jussisset: reducem ex insperato conjugem, admiranda prorsus de sua fortuna narrantem, alia inter memorasse, se ab hostium Gallorum turma appetitum, in effusissimâ fuga, ad rapidi fluminis devenisse ripam, cumque aut mergi necesse foret, aut gladijs hostilibus perimi, visam sibi venerabili specie Monialem Benedictinam, quasi gratulabundam inque momento trans fluvium depositum animadvertisse, & ab insequentibus jamque imminentibus prodigiosissimè liberatam. Cumque uxor se absentem tantopere precibus V. Mariæ Catharinæ Brugoræ commendasse assereret, quam ipse alias in Vita omni non viderat, mox in S. Margaritæ Cænobium ductum, cum in conspectum omnium Monialium admitti rogaret, illam ipsam agnovisse illico, & ut servatricem summa cum reverentia compellasse, miraculum prodidisse, & licet illa omnibus modis à se averteret, & Deiparæ quam rogaverat assignaret; Ipsum nihilominus non solum constantissimè asseverasse, verum votiva quasi tabulâ expressum coloribus miraculum, cum hac subscriptione, eidem Venerabili

Joan. Baptistæ Christi destinasse: Ego Joannes Baptistæ Pusterla Eques, precibus tuis, Gallicas manus evasi. Ut nihil de admirandis alijs ejusmodi prodigijs memoremus, ipsa absentia æquè ac proxima intuente, futura prædicente, mala ingentia ab Urbe Patria, suis precibus avertente. Ex Vita per Franciscum Ruggierium.

Jngens iterum Benedictini Ordinis meritum, & ipsi æquè ac sanctissimo Patriarchæ Benedicto, tot sæculis proprium, quo exorientem hoc ipso tempore, novum Seraphici Patris

Francisci, toto Christiano Orbe laudatissimum Patrum Capucinatorum Ordinem, Patres nostri, primi omnium, ferventissimâ complexi charitate, Institutum adeo sanctum etsi arduum, suscipiendum, fovendum, & pro virili defendendum susceperunt. Institutores primi Fratres Ludovicus & Raphael, indumentum quo hodie utuntur Beati Francisci Carracetani Ordinis nostri viri sanctissimi prophetica voce attoniti assumpserunt, cum is Matthæum à Dacio, quem nunquam viderat, præviderat tamen tali habitu venientem, affirmasset nativum Seraphici Patris Francisci habitum gestare, cum illum eundem Matthæum, insolenti tunc prorsus veste adventantem & ad Franciscum nostrum invidentem conspicerent, verbis viri & prophetica moti prædicatione, ut de assumendo illico eodem habitu & Capucio consenserint, imo confici quam primum curaverint, etsi vilissimus esset, & despicabilem omnibus fore facile conijcerent, summa cum devotione, & animi in omnem contemptum resignatione generosissima induerint. Evenitque etiam quod rebantur: siquidem irritum passim habitum, & male tractatum, etiam carceribus inclusi; à Beato Paulo nostro Justiniano, ipsis strenuè patrocinate, cui obniti, ob summam sanctitatis famam, maximamque apud omnes auctoritatem nemo ausus erat, in libertatem asserti; qui & felicissimum Novi Instituti Advocatum & Patronum egit, inter meritissimos tanti Ordinis Promotores; & alter quasi Fundator, quin & Protector, celebrandus. *Videndus fusior in his describendis Lucas noster Rubensis libro tertio.* Ita sicut, tanto antè, sanctos Franciscum & Dominicum prophetico Spiritu edoctus Beatus Joachim Abbas noster. Coratiensis, Florentis olim Congregationis sanctissimus Institutor, suis ritè coloribus, & illius sacris insignitum stygmatibus opere Græcanico, in Archi-Basilica Veneta S. Marci distinctissimè expressit, ita Franciscus Carracetanus noster, redivivum in Patribus Capucinis, primævo etiam habitu, nedum vita Franciscum Seraphicum designaverit, Justinianus autem noster, suis, ut S. Franciscus visus Pontifici Romano est Basilicam

Patrum Capucinatorum per nostros promotio.

B. Franciscus Carracetanus noster.

Causa fuit ut sacer Capucinatorum habitus omnibus probaretur.

B. Joachim Abbatis prædictio.

Justinianus noster novum Ord. sustentat.

solicam sustentare Lateranensem humeris, ita ipse Ordinem novum sustentarit, merito utique maximo de tam charis & Benedictis aequè ac Seraphicis viris, quibuscum propterea tanta cum nostris necessitudo & charitas verè fraterna intereedit. Quod & citatus supra Lucas noster Ruhensis observavit, qui alia inter, ex illa, inquit, prima cum Camaldulensibus nostris conversatione, Patres Capucinos, mutua semper Amicitia conjunctionem servasse, sed & à nostris Eremitis quadam peculiariter, sibi communiter servanda sumpsisse: quale est, barbam nutrire, nec non sine cantu, solaque distincta pronuntiatione Divinas Laudes persolvere. *Vid. Gault. Luc. Angl. Florent &c.*

IESU CHRISTI ANNUS.M.D.XXVII.
Sancti Patris Benedicti. M. XLVII.

NE Germaniam solam sine igne in cineribus frigidis obriguisset, exarsere in supera aequè ac infera flammæ lucidissimæ, magno eorum solatio, qui constantes in fide, omnes novitates aspernati sunt, æstimantes fidem illi nixam petrae, quæ in spiritu semper fundata Veritatis, sibi constiterit semper & constet, quam tot sæculis, tot summa æstimatione, Præsules & Abbates perenni successione ad nos usque propagati, idem omnes & singuli credentes & asserentes, tot antea Consilij damnatas hæreses; ipsa unanimi in interpretandis sacris Tabulis, concordia, comprobarint. His inquam verè Catholicis, facem perditissimo hoc tempore illustrissimam præterere diversissimi laudatissimarum Congregationum Mellicensis & Bursfeldentis, diversi Antistites, qui non solum in profliganda & amolienda à suis ditionibus diversarum Hæresum licentia, nullum non lapidem moverunt, sed & supremum adire vitæ discrimen minimè abhorruerunt. E quibus hoc ipso anno ad præmia æternitatis evocatus est Quintus Devoist Ursidungensis celeberrimi in Hannonia Monasterij Abbas, *Vir*, ut ejus loci chronica habent, *nunquam sine reverentia nominandus*, primævi refuscitandi in Ordine Spiritus Zelator egregius, TUTOR & PATER Patriæ universæ, cui omni modo, & pro va-

lentissimi ingenij viribus, cōsultum semper voluit, & vero etiam felicissimè consuluit, summa apud Reges ac Principes auctoritate, & virtutis æstimatione. Is domique forisque rebus maximis dexterrimè gestis gloriosissimus, summi momenti Legationibus perfunctus, Cæsarem æque ac Hispaniarum Regem, Regna utriusque immortaliter demeritus, imo pro Ecclesia universa, contra Hæreses & Hæreticorum impios conatus, multa præclare ausus, incredibile sui desiderium apud summos æque atque infimos ad præmia æterna evocatus reliquit. *Ex monumentis Ursidungi.*

Beati Hieronymi Suesiani ineffabiles Virtutes, digno encomio extollendæ nunc essent, nisi & sancti atque scribendi facultatem superarent, & compendij, siquid amplius conaremur metas excederent. Unum tamen quin referamus, præterire non possumus, unde animadvertas, qualiter antiquis quam simillimis miraculorum signis Reformationem Ordinis nostri foverit, juverit atque commendaverit Optimum Numen, & qua spe & confidentia esse debeamus, etiam de cætero, novis quibuscunque ad Reformationem solidam spectantibus etiam nostra ætate conatibus, nunquam defuturum. *Contigit aliquando, ait Lucas Ruhensis, cum in Cryptis Almasacy Prior esset, ut de mense January nivium abundantia obrueretur Vallis illa, ita ut per dies quindecim, illinc quis exire, aut aliunde illuc ingredi proflus prohiberetur. Unde factum est, ut Fratribus victui necessaria in totum deficerent (fidelium enim largitionibus vivebatur, cum hodie moris non sit perpetuis redditibus Canobia condere, verum sua Monachis rapere) eoque Cellarius Constantius nomine, apud eundem quæretur, quasi fame atque inedia Fratres perituros timens, cui fidelis Pater: o Constanti, inquit, sili, tu fidem non habes; putas, quia DEUS deseret servos suos? confidentia Ipse dixit, & non mentietur: nolite solliciti esse, quid manducetis, aut quid bibatis: qui pascit corvos, non dabit escas famulus suis? Confide & ora, non deerit tibi & Fratribus tuis in crastinum opportunus cibus. His & alijs multis hominem consolatus, Ecclesiam ingrediens ante altare prostratus humi (qui mos illi frequens erat) in multam noctem Orationem traxit.*

Cæperat

Summa
apud Reges
& omnes
auctoritate.

B. Hieronymi
Suesiani
Virtutes.

Congregatio
Mellicensis

Ven. Quintus
Devoist
Abbas Ursidungi